

ՀՀ Արմավիրի մարզի Արևիկի գյուղական  
համայնքի ղեկավար՝ Գ. Ծատուրյանի  
2014թ. 1-ին կիսամյակի կատարած աշխատանքների

Հաշվետվությունը

01.07.2014թ. ժամը 14<sup>00</sup>-ին

Հայաստանի Հանրապետության Արմավիրի մարզի Արևիկի գյուղական համայնքի ղեկավարը ղեկավարվելով Հայաստանի Հանրապետության Սահմանադրությամբ, նրանից բխող օրենսդրական և ենթօրենսդրական ակտերով, «Տեղական ինքնակառավարման մասին», «Իրավական ակտերի մասին», ՀՀ օրենքներով, համայնքի ղեկավարի աշխատակազմի, ավագանու և գյուղապետարանի ենթակայության տակ գտնվող հիմնարկների աշխատակիցների միջոցով իրականացրել է իրեն վերապահված իրավասությունների շրջանակներում՝ իր լիազորությունները:

2014թ. գյուղապետարանի աշխատանքային ծրագրի հիմքում դրված են եղել գյուղի սոցիալ-տնտեսական զարգացման գերակա ուղղությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ - տնտեսական խնդիրները, որոնք էլ անհրաժեշտություն է եղել լուծելու 2014թ. 1-ին կիսամյակի ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետի և մարզպետարանի աշխատակազմի ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում են Ձեզ:

ԳՅՈՒՂԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ ԲՆԱԳԱՎԱՈՒ

Գյուղապետը աջակցում է համայնքի բնակչությանը գյուղատնտեսական աշխատանքների իրականացմանը, ինչպես նաև գյուղ . մթերքների իրացմանը:

Հետևողական աշխատանք է տարվում ոռոգման ջրի մատակարարման, ինչպես նաև աշնանացան հացահատիկի ցանքը ժամանակին կատարելու ուղղությամբ:

Գյուղն ունի իր առանձնահատկությունները:  
Հիմնականում զբաղվում են խաղողագործությամբ, ինչպես նաև բանջար-բոստանային կուլտուրաների մշակությամբ:

Տարեց-տարի փոխվում է մշակովի հողատարածքների կառուցվածքը՝ կրճատվել են հացահատիկային մշակաբույսերի ցանքատարածությունները, ավելացել են խաղողի, պտղի և բանջար-բոստանային կուլտուրաների տեսակարար կշիռը, որն էապես շահութաբեր է:

Վաղ գարնան ցրտահարությունը և մայիսի 12-ի տեղացած կարկուտը իր բացասական ազդեցությունը թողեց բազմամյա տնկարքների վրա, որի հետևանքով պակասել է նաև բերքը:

Ուշադրության կենտրոնում է պահվում գյուղատնտեսական մշակաբույսերի վնասատուների դեմ պայքարի աշխատանքները:

Անմիջական հսկողություն է իրականացվում անասնաբուժական ծառայության գործում՝ ժամանակին կատարվում է բոլոր տեսակի հակահամաճարակային միջոցառումները կենդանիների հիվանդությունների կանխարգելման ուղղությամբ: Կենդանիների շրջանում չի հայտնաբերվել ոչ մի տեսակի հիվանդություն:

Հետևողական և սխտեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 6 առևտրի և 2 կենցաղային ծառայության օբյեկտ:

## ՀՈՂԱՇԻՆՈՒԹՅԱՆ և ՀՈՂՕԳՏԱԳՈՐԾՄԱՆ ԲՆԱԳԱՎԱՌ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողու-

թյուն է իրականացվում հողերի նպատակային օգտագործման, ինչպես նաև ապօրինի ընդերք-օգտագործման վրա:

Ամենօրյա աշխատանք է տարվում հողօգտագործողների հետ հողի հարկի, գույքահարկի գծով գոյացած ապառքների հավաքագրման գործում: Բնակիչներին տեղեկացվում և ծանուցվում է «Հողի հարկի արտոնություններ տրամադրելու մասին» ՀՀ օրենքի պահանջները:

Իրականացվում է գույքահարկի բազայում ճշգրտման աշխատանքները, որը շարունակական է:

Ելնելով գյուղի առանձնահատկությունից՝ կապված գյուղ - մթերքների՝ հատկապես խաղողի արտադրման հետ, համայնքում կատարվող սոցիալ - տնտեսական աշխատանքները հիմնականում պլանավորվում է կատարել 1-ին կիսամյակում:

## ՔԱՂԱՔԱՇԻՆՈՒԹՅԱՆ ԵՎ ԿՈՍՄՈՒՆԱԼ ՏՆՏԵՍՈՒԹՅԱՆ ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքա-

շինական գործունեության նկատմամբ:

Խստագույնս արգելվում է առանց համապատասխան շինարարության թույլտվության որևէ շինարարական գործունեության իրականացում: Սահմանված կարգով տրվում է շինարարության և քանդման թույլտվություն:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ, տրվել են ճշտված իրավիճակային հատակագծեր:

Միստեմատիկաբար կատարվում է խմելաջրի ջրագծերի վթարների հայտնաբերման և վերացման աշխատանքներ:

Սահմանվում է հսկողություն խմելաջրի որակի, ինչպես նաև վարակազերծման նկատմամբ:

Միստեմատիկաբար կատարվում է աղբահանություն, այդ նպատակով հատկացված է տրանսպորտ, աղբը լցվում է հատկացված վայրում:

## ՄՇԱԿՈՒՅԹԻ ԵՎ ԵՐԻՏԱՍԱՄԱՐԳՈՒԹՅԱՆ, ԿՐԹՈՒԹՅԱՆ, ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջնակարգ և 1 երաժշտական դպրոց:

Աշակերտների թիվը՝ 379:

Աշխատողների թիվը՝ 53-ը, որից՝ ուսուցիչներ՝ 39:

Գյուղապետարանի ուշադրության կենտրոնում է դպրոցը: Կրթության որակը գտնվում է բարձր մակարդակի վրա: Այս ուսումնական տարում շուրջ 22 աշակերտներ ընդունվել են Հանրապետության պետական տարբեր բուհեր:

Գյուղապետարանի նախաձեռնությամբ կազմակերպվել է տարբեր միջոցառումներ՝ գիտելիքի օրվա կապակցությամբ 1-ին դասարանցիներին՝ շուրջ 27 հոգու տրվել է գրենական պիտույքներ և պայուսակներ կազմակերպվել է ամանօրի հանդես և 1-ից 4-րդ դասարանի աշակերտներին՝ տրվել է նվերներ, ուսուցչի օրվա կապակցությամբ՝ կազմակերպվել է միջոցառում և տրվել նվերներ:

Կազմակերպվել է նաև միջոցառում անկախության օրվա և բերքի տոնի կազմակերպությամբ Գյուղապետարանի ուշադրության կենտրոնում է նաև երաժշտական դպրոցը, որը ունի 25 աշակերտ: Մշակույթի տան հետ համատեղ կազմակերպվել է միջոցառումներ, տրվել է հաշվետու համերգ, շրջանավարտներին տրվել է նվերներ:

Վթարային վիճակում է գտնվում մանկապարտեզի շենքը՝ շուրջ 18 տարուց ավել է այն չի գործում, որը և բացասաբար է անդրադառնում մատաղ սերնդի դաստիարակման գործում:

Շենքի վերանորոգման համար պահանջվում է մեծ ֆինանսական միջոցներ, որը գյուղապետարանը այսօրվա վիճակում հնարավորություն չունի ներդնելու: Բազմաթիվ անգամ

որպես համայնքի կարևորագույն հիմնանդիր հարց ենք բարձրացրել այն վերանորոգելու համար, սակայն ապարդյուն:

Վերանորոգվել է մշակույթի տան տանիքը և փոխվել պատուհանները, անցկացվել է գրքերային լուսավորություն կենտրոնական փողոցներում մշակույթի տան բարվոք վիճակը հնարավորություն է տալիս կազմակերպել տարբեր տեսակի միջոցառումներ:

Մշակույթի տանը տեղավորված է նաև գրադարանը, որը վերանորոգված և կահավորված է, ունի 8065 կտոր գրականություն: Գրադարանը մշակույթի հետ համատեղ կազմակերպել է տարբեր բնույթի միջոցառումներ, գրական ցերեկույթներ:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով: Գործում է խաղաղասենյակ, որտեղ կազմակերպվում է տարբեր բնույթի խաղեր:

Ուշադրության կենտրոնում է գտնվում սպորտի զարգացումը: Անցկացվում նարդու մրցաշար, հաղթողին տրվում է դրամական պարգև:

Գործում է ֆուտբոլային թիմ, որտեղ ընդգրկված են 1997-2001թթ.

Ծնված շուրջ 30 երեխաներ:

Գյուղապետի ամենօրյա ուշադրության կենտրոնում է նաև առողջապահության ոլորտը: Աջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը: Վերահսկվում է առողջապահական հիմնարկի աշխատանքները:

Համայնքի բնակչության բուժ. սպասարկումը գտնվում է բարձր մակարդակի վրա:

Համայնքում գործում է «Խնամակալության և հոգաբարձության» հանձնաժողով, որի հիմնական խնդիրը քափառաշրջիկ, իրավախախտ, անօթևան երեխաների հայտնաբերումն ու դաստիարակելն է: Ի ուրախություն մեզ համայնքում նման երեխաներ չկան:

Ուշադրության կենտրոնում է գտնվում զոհված ազատամարտիկների և սոցիալապես անապահով ընտանիքները, որոնց տրվում է ֆինանսական օգնություն 1-ին կիսամյակի ընթացքում համայնքի սոցիալապես անապահով ընտանիքների տրվել է դրամական օգնություն 700,0 հազ. ՀՀ դրամի չափով:

Համայնքում հաշվառված են ընդամենը՝ 271 թոշակառուներ, այդ թվում՝ 215-ը ծերության և աշխատանքային, 9-ը՝ կերակրողը կորցնողի, 47-ը՝ հաշմանդամության: Նպաստառու ընտանիքների թիվը կազմում է 51: Թոշակները և նպաստները տրվում են ժամանակին:

Համայնքի շուրջ 25 բաժանորդներ օգտվում են թվային հեռախոսակապից, կապը շատ անորակ է և չի արդարացնում, այդ իսկ պատճառով բաժանորդների մեծ մասը հրաժարվեցին հեռախոսակապից:

Համայնքում բարձր է պատասխանատվությունը գորակոչի նկատմամբ: Զորակոչից խուսափողներ չկան:

Համայնքի տնտեսությունների թիվը՝ 872, բնակչության թիվը՝ 2952 մարդ, գյուղատնտեսության մեջ զբաղված են՝ 1940 մարդ:

1-ին կիսամյակի ընթացքում համայնքում ծնվել են 22 երեխա, որից՝ 12 տղա, 10 աղջիկ, մահացածների թիվը՝ 5:

ՖԻՆԱՆՍԱԿԱՆ ԲՆԱԳԱՎԱՌ

01.07.2014թ-ի դրությամբ հավաքագրված եկամուտները կազմել են

N	անվանումը	պլան	փաստացի	հազ. դրամ
				կատարողական
	ընդամենը վարչական բյուջե			
1.	հողի հարկ	6400,0	579,9	9,1
2.	գույքահարկ	7210,0	3048,0	42,3
3.	տեղական տուրքեր	404,0	146,8	36,3
4.	տեղական վճար	40,0	3,8	38
5.	ոչ հարկային եկամուտներ	1750,0	491,9	28,1
6.	հողերի վարձավճար	1737,3	1178,7	67,8
	ընդամենը սեփական եկամուտներ	<b>17541,3</b>	<b>5449,1</b>	<b>31,1</b>
7.	այլ եկամուտներ			
8.	պետ. բյուջեից տրամադրվող դոտացիա	38249,9	19125,0	50
9.	սուբվենցիա	1359,6	354,9	26,1
10.	Ֆոնդային բյուջեի եկամուտ	481,4		

01.07.2014թ. դրությամբ կատարված ծախսերը

N	ծախսերի անվանումը	պլան	փաստացի	հազ. դրամ
				կատարողական
1.	տեղական ինքնակառավարում	29639,6	11562,4	39
2.	ջրամատակարարում	6150,0	1779,6	29
3.	աղբահանություն	1700,0	726,7	42,7
4.	մշակույթ, սպորտ, կրոն	8900,0	2109,8	23,7
5.	Ճանապարհների նորոգում	650,0	0,0	0
6.	սոցիալ-անապ. ընտանիք. օգնություն	2850,0	700,0	24,6
7.	արտաքին լուսավում	800,0	800,0	100
8.	պահուստային ֆոնդ	2201,6	31,4	
9.	կրթություն և գիտություն	4259,6	1524,9	35,8
10.	ֆոնդային մաս	3050,0	2600,0	85,2
11.	Վարչական մաս	57150,8	21803,4	38,2

Համայնքի ղեկավարի կողմից արձակվել է 20 կարգադրություն, ընդունվել է 83 որոշում:

Համայնքի ղեկավարի աշխատակազմի քարտուղարի կողմից արձակվել է 8 հրաման:

Քաղաքացիների առաջարկությունների, դիմումների և բողոքների քննարկման կարգի մասին»

ՀՀ օրենքի 7-րդ հոդվածի պահանջի համաձայն, Արևիկի գյուղապետարանում 2014թ. 1-ին կիսամյակում ստացվել է 51 դիմում

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որոնք սահմանված կարգով քննարկվել են և տրվել պատշաճ լուծումներ:

Ընթացիկ ժամանակահատվածում գյուղապետարանում ստացվել է 110 գրություն, հղվել է 80 պաշտոնական գրություն: Քաղաքացիներին տրվել է 675 տեղեկանքներ:

2014թ. 1-ին կիսամյակի ընթացքում գյուղապետարանի և իր ենթակայության տակ գտնվող հիմնարկների աշխատակիցների թվաքանակը կազմում է 21 մարդ, 1 ընտրովի պաշտոն, որից

6-ը համայնքային ծառայողներ, 5-ը՝ հայեցողական պաշտոններ և 2-ը՝ տեխնիկական աշխատողներ, 2-ը՝ ակումբ գրադարանի, 2-ը՝ կոմունալի, 2-ը՝ խմելաջրի սպասարկման և շահագործման նպատակով աշխատողներ, 1-ը՝ սեզոնային աշխատող:

2014թ. 1-ին կիսամյակում աշխատավարձի և սոց. վճարումների պարտքեր չկան:  
2014թ. 1-ին կիսամյակում համայնքի ավագանին գումարել է 4 հերթական և արտահերթ նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր և կայացվել որոշումներ:

Համայնքի ղեկավարի 2014թ. 1-ին կիսամյակի կատարած աշխատանքները գնահատվեց բավարար:

Հաշվետվությանը ներկա էր Արմավիրի մարզպետարանի քաղքաշինության վարչության պետի տեղակալ Համլետ Կուրդինյանը:

Արևիկ համայնքի ղեկավար՝



Գառնիկ Ծատուրյան